

ერთი მხრივ,

შპს „საქართველოს აეროპორტების გაერთიანება“ (მისამართი: თბილისი, სამგორის რაიონში აეროპორტის დასახლება (აეროპორტი), ს.კ. N404 389 693) წარმოდგენილი მისი აღმასრულებელი მენეჯერის ივანე პეტრიაშვილის სახით (შემდგომში „შემსყიდველი“)

და მეორე მხრივ,

შპს „მიკრონეტ“ (მისამართი: საქართველო, ქ. თბილისი, თელავის ქ20გ; ს.კ.204557960) წარმოდგენილი მისი დირექტორის დავით სიხარულიძის სახით (შემდგომში „მიმწოდებელი“)

საქართველოს კანონის „სახელმწიფო შესყიდვების შესახებ“ და პრეტენდენტის შპს „მიკრონეტის“ სატენდერო წინადადების საფუძველზე, გამარტივებული ელექტრონული ტენდერის (სატენდერო განცხადების ნომერი: **SPA170014726**) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) „შემსყიდველსა“ და „მიმწოდებელს“ შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“- საერთო თანხა, რომელიც უნდა გადაიხადოს „შემსყიდველმა“ „მიმწოდებლის“ მიერ ხელშეკრულებით ნაკისრი ვალდებულებების სრული და ზედმიწევნით შესრულებისთვის.
- 1.3. „დღე“, „კვირა“, „თვე“ - კალენდარული დღე, კვირა, თვე თუ წინამდებარე ხელშეკრულებით სხვა რამ არ არის გათვალისწინებული.
- 1.4. „შემსყიდველი“- ორგანიზაცია, რომელიც ახორციელებს შესყიდვას.
- 1.5. „მიმწოდებელი“- პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“- ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“- სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1. ხელშეკრულების საგანს წარმოადგენს მესტიის თამარ მეფის აეროპორტში ინტერნეტმომსახურების მიწოდება (CPV-72400000) თან დართული ტექნიკური დავალების შესაბამისად.

3. ხელშეკრულების ღირებულება

- 3.1. ხელშეკრულების საერთო ღირებულება შეადგენს 11087.28 (თერთმეტი ათას ოთხმოცდაშვიდი ლარი და 28 თეთრი) ლარს. მათ შორის: ერთი თვის ღირებულება შეადგენს 923.94 (ცხრაას ოცდასამი ლარი და 94 თეთრი) ლარს.
- 3.2. ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი, მათ შორის (დღგ) რომელიც უნდა გადაიხადოს „მიმწოდებელმა“.

4. მომსახურების განხორციელების ვადები და პირობები

- 4.1. მომსახურების მიწოდების ვადა განისაზღვრება 2018 წლის 1 იანვრიდან 2018 წლის 31 დეკემბრის ჩათვლით.
- 4.2. მომსახურება უნდა განხორციელდეს სატენდერო დოკუმენტაციის ტექნიკური დავალების შესაბამისად (ტექნიკური დავალება დაერთვის ხელშეკრულებას და წარმოადგენს მის განუყოფელ ნაწილს).
- 4.3. „მიმწოდებლის“ მიერ გაწეულ მომსახურებაზე, გამოვლენილი დეფექტებისა და უზუსტობების აღმოფხვრას საკუთარი ხარჯებით უზრუნველყოფს „მიმწოდებელი“ თუ დეფექტი ან ნაკლი სადემარკაციო წერტილიდან მიმწოდებლის მხარესაა.

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება ფორმდება „მიღება-ჩაბარების“ აქტით, რის საფუძველზეც „მიმწოდებელი“ „შემსყიდველს“ წარუდგენს საგადასახადო ანგარიშ – ფაქტურას.

6. ანგარიშსწორების ფორმა და ვადები

6.1. „მიმწოდებელთან“ ანგარიშსწორება ხორციელდება უნაღდო ანგარიშსწორებით ლარში.

6.2. ანგარიშსწორების საფუძველია მხარეების უფლებამოსილი პირების მიერ გაფორმებული „მიღება-ჩაბარების“ აქტი, წარმოდგენილი საგადასახადო ანგარიშ-ფაქტურა.

6.3. ანგარიშსწორება ხორციელდება „მიმწოდებლის“ მიერ წარმოდგენილი საგადასახადო „ანგარიშ-ფაქტურისა“ და „მიღება-ჩაბარების“ აქტის საფუძველზე, აღნიშნული დოკუმენტაციის გაფორმებიდან 10 (ათი) სამუშაო დღის ვადაში.

6.4. თანხის გადახდა არ მოხდება „მიღება-ჩაბარების“ აქტისა და საგადასახადო ანგარიშ-ფაქტურის წარმოდგენის გარეშე.

7. მხარეთა ვალდებულებები

7.1. „მიმწოდებელი“ ვალდებულია:

7.1.1. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.1.2. წერილობითი შეტყობინების საფუძველზე განიხილოს უხარისხოდ შესრულებული მომსახურების გამოსწორების საკითხი და უხარისხობის არსებობის შემთხვევაში გამოასწოროს იგი შემსყიდველის მხრიდან რაიმე დამატებითი დანახარჯების გაწევის გარეშე თუ მომსახურების უხარისხობა არსებობს სადემარკაციო წერტილიდან მიმწოდებლის მხარეს.

7.2. „შემსყიდველი“ ვალდებულია:

7.2.1. უზრუნველყოს „მიმწოდებლისთვის“ თანხის გადახდა 6.3. პუნქტის შესაბამისად.

7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2.3. დაიცვას ხელშეკრულებით გათვალისწინებული ყველა პირობა.

8. მხარეთა უფლებები

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს გაწეული მომსახურების ღირებულების 6.3. პუნქტის შესაბამისად გადახდა.

8.2. „შემსყიდველს“ უფლება აქვს:

8.2.1. აწარმოოს გაწეული მომსახურების ხარისხის კონტროლი.

9. ფორს-მაჟორი

9.1. წინამდებარე ხელშეკრულებით გათვალისწინებული პასუხისმგებლობა არ დგება დაუძლეველი ძალის მოქმედების შემთხვევაში. მხარეები თავისუფლდებიან პასუხისმგებლობისგან ვალდებულებების სრული ან/და ნაწილობრივი შეუსრულებლობისათვის ან არაჯეროვანი შესრულებისათვის დაუძლეველი ძალის მოქმედების შემთხვევაში, რომლის დროსაც შეუძლებელია წინამდებარე ხელშეკრულებით გათვალისწინებული ვალდებულებების შესრულება.

9.2. დაუძლეველი ძალის ქვეშ იგულისხმება გარემოებები (სტიქიური უბედურება, ეპიდემია, საომარი მდგომარეობა, საკანონმდებლო ცვლილებები, და ა.შ.), რომლებიც არ არსებობდა წინამდებარე ხელშეკრულების გაფორმების დროს ან წარმოიშვა გაფორმების შემდეგ და რომელთა დადგომა და ზემოქმედება მხარეებს არ შეეძლოთ თავიდან აეცილებინათ და გადაეღებინათ.

9.3. მხარე, რომელიც წინამდებარე ხელშეკრულებიდან გამომდინარე ვალდებულებების შეუსრულებლობის მიზეზად დაასახელებს ფორს-მაჟორულ გარემოებებს, ვალდებულია მათი დადგომიდან არაუგვიანეს 5 (ხუთი) სამუშაო დღისა აცნობოს მეორე მხარეს აღნიშნულის შესახებ და დაადასტუროს მათი არსებობა შესაბამისი სახელმწიფო ორგანოების მიერ გაცემული დოკუმენტებით, გარდა იმ შემთხვევებისა, როდესაც ფორს-მაჟორული გარემოებების შესახებ გამოცხადებული იქნება სახელმწიფო ორგანოების მიერ საჯაროდ.

საინფორმაციო და მასობრივი საშუალებების დახმარებით.

10. ხელშეკრულების პირობების და ფასების გადასინჯვა

- 10.1. სახელმწიფო შესყიდვის შესახებ ხელშეკრულებაში ნებისმიერი ცვლილების განხორციელების შემთხვევაში, აღნიშნული ცვლილება უნდა გაფორმდეს წერილობითი ფორმით.
- 10.2. სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11. სადავო საკითხების გადაწყვეტა

- 11.1. „შემსყიდველმა“ და „მიმწოდებელმა“ ხელშეკრულების ან მასთან დაკავშირებული გარემოებების ირგვლივ წარმოშობილი ყველა უთანხმოება და დავა უნდა მოაგვარონ ურთიერთშეთანხმების გზით.
- 11.2. მხარეებს, სადავო საკითხის შეთანხმების გზით მოგვარების შეუძლებლობის შემთხვევაში საქართველოს კანონმდებლობით დადგენილი წესით შეუძლიათ მიმართონ საქართველოს სასამართლოს.

12. ინსპექტირების პირობები

- 12.1. ხელშეკრულების შესრულების კონტროლს განახორციელებს კოორდინატორი საქართველოს აეროპორტების გაერთიანების ინფორმაციული ტექნოლოგიების მენეჯერი.
- 12.2. კოორდინატორის ფუნქციებია:
 - 12.2.1. მხარეების მიერ ნაკისრი ვალდებულებების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება.
 - 12.2.2. სახელმწიფო შესყიდვის შესახებ ხელშეკრულების პირობების შესაბამისად, მიღება ჩაბარების აქტის გაფორმება.

13. ხელშეკრულების შესრულების შეფერხება

- 13.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, დაუყოვნებლივ უნდა გაუგზავნონ ერთმანეთს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

14. ხელშეკრულების ენა

- 14.1. ხელშეკრულება და მასთან დაკავშირებული ყველა მოლაპარაკებები და სახვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე.

15. ხელშეკრულების პირობების შეუსრულებლობა

- 15.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში ვალდებულების დამრღვევ მხარეს ეკისრება პირგასამტეხლო ხელშეკრულების ღირებულების 0,1 %-ის ოდენობით ყოველ ვადაგადაცილებულ დღეზე.
- 15.2. საჯარიმო სანქციების გადახდა არ ათავისუფლებს ვალდებულების დამრღვევ მხარეს ძირითადი ვალდებულებების შესრულებისაგან.

16. ხელშეკრულების შეწყვეტა

16.1. ხელშეკრულება შეიძლება შეწყვეტილ იქნეს:

16.1.1. ურთიერთვალდებულებების სრულად შესრულებით;

16.1.2. მხარეთა შეთანხმებით;

16.1.3. საქართველოს მოქმედი კანონმდებლობით გათვალისწინებულ სხვა შემთხვევებში.

16.2. შემსყიდველის მხრიდან წერილობითი შეტყობინების გაგზავნიდან 5 (ხუთი) დღის ვადაში.

17. ხელშეკრულების მოქმედების ვადები

17.1. წინამდებარე ხელშეკრულება ძალაშია მხარეთა მიერ ორმხრივად ხელმოწერის დღიდან და მოქმედებს 2019 წლის 31 იანვრის ჩათვლით.

18. გამოყენებული სამართალი

18.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

19. დასკვნითი დებულებები

19.1. თუ წინამდებარე ხელშეკრულების რომელიმე დებულება ბათილია, მიუხედავად ბათილობის საფუძვლისა, ეს არ გამოიწვევს მთელი ხელშეკრულების ბათილობას. ამ შემთხვევაში ხელშეკრულების დარჩენილი დებულებები მოქმედებს ბათილი დებულების გარეშე.

19.2. მხარეთა შორის წერილობითი შეთანხმების საფუძველზე, წინამდებარე ხელშეკრულებაში შეიძლება შეტანილ იქნეს ცვლილებები და დამატებები.

19.3. ხელშეკრულება შედგენილია 2 (ორი) ეგზემპლარად და თითოეულ მათგანს თანაბარი იურიდიული ძალა აქვს.

19.4. წინამდებარე ხელშეკრულებით შემსყიდველი ყიდულობს მომსახურებას და მას საკუთრებაში არ გადაეცემა რაიმე სახის ტექნიკური მოწყობილობა ან/და ნივთი, მათ შორის, ნუმერაციის რესურსი (ტელეფონის ნომერი), რომლის სარგებლობის უფლების მინიჭებაც ხდება შემსყიდველისთვის;

19.5. ხელშეკრულების ერთი ეგზემპლარი ინახება „მიმწოდებელთან“ მეორე ეგზემპლარი - „შემსყიდველთან“.

20. მხარეთა რეკვიზიტები:

„შემსყიდველი“

შპს „საქართველოს აეროპორტების გაერთიანება“

მისამართი: (მისამართი: თბილისი, სამგორის რაიონში აეროპორტის დასახლება (აეროპორტი), ს.კ N404 389 693)

ს.კ N 404 389 693

საბანკო რეკვიზიტები: სს „თი ბი სი ბანკი“

ბანკის კოდი: TBCBGE22

ა/ა: GE47TB0615536070100001

„მიმწოდებელი“

შპს „მიკრონეტ“

მისამართი: საქართველო, ქ. თბილისი, თელავის ქ20გ

ს.კ N 204557960

საბანკო რეკვიზიტები: სს „თი ბი სი ბანკი“

ბანკის კოდი: TBCBGE22

ა/ა GE68TB0839236080100002



ივანე პეტრიაშვილი
აღმასრულებელი მენეჯერი



დავით ხინარაშვილი
დირექტორი

ინტერნეტ მომსახურების ყოველთვიური სააბონენტო		
იანვარი		923.94
თებერვალი		923.94
მარტი		923.94
აპრილი		923.94
მაისი		923.94
ივნისი		923.94
ივლისი		923.94
აგვისტო		923.94
სექტემბერი		923.94
ოქტომბერი		923.94
ნოემბერი		923.94
დეკემბერი		923.94
	სულ	11087.28

